

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Rituale Sive Obsequiale Ecclesiae Et Dioecesis
Constantiensis**

Constantiae, 1686

Rubrica de sacramento extrema unctionis

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)



RUBRICA

DE SACRAMENTO

Extremæ Unctionis.



*Frca administrationem huius Sacramen-
ti aliqua sunt prenotanda.*

*Primò, Sacerdos ministraturus hoc Sacra-
mentum, infirmo aliàs sacroviatico jam proviso,
vel providendi non idoneo quatenus fieri potest, pa-
rari curet apud infirmum mensam mappâ can-
didâ coopertam; itemq; vas, in quo sit bomba-
cium, seu stupa, seu quid simile in quinque globi-
los distinctum, ad abstergendas partes inunctas,
quod deinde comburatur, & cineres in Sacrarium,
aut alium locum inijciantur, ne pedibus culcen-
tur; medullam panis, vel salem ad detergendos
digitos, & aquam ad abluendas Sacerdotis ma-
nus. Deniq; operam dabit, ut quantâ poterit
munditiâ, ac nitore hoc Sacramentum ministre-
tur.*

Secun-

Secundo, Sacerdos veste choralis, Et stola violacea indutus, decenter accipit vas sacri Olei infirmorum, cautè illud deferens, ne effundi possit, ac ministro veste choralis induto, sine lumine sequente, Et aquam benedictam, cum aspersorio, ac librum hunc ritualem portante, reverenter in toto itinere recitat pro sua devotione Psalmos Pœnitentiales infra fol. 137. positos, una cum Litanis majoribus, nisi illos malit in templo recitare, antequam egrediatur, aut apud infirmum ante Litanias, aut cum ad templum ab inuncto redierit, pro sua commoditate Et alicrum adificatione. Optandum esset, ut aliqui Presbyteri, ubi copia est Sacerdotum, vel saltem Clerici eum comitarentur, propter illud Jacobi cap. 5. Si quis ægrotat, inducat presbyteros &c. quò in Litanis Sacerdoti respondere, Et dum ipse inungit Psalmos Pœnitentiales recitare possint.

Tertiò, sensus inungendi sunt, oculi, aures, nares, os, Et manus ac dum Sacerdos oculos, aures, Et manus ungit, caveat, ne alterum ipsorum inungendo, Sacramenti formam prius absolvat, quàm ambo huiusmodi paria membra perunxerit, insuper advertat, quod manus, quæ reliquis

infr-

infirmis interiùs ungi debent, Presbyteris exteriùs iniungantur.

Quartò, si infirmus sit aliquo membro mutilatus, pars illi proxima inungatur sub eadem verborum forma.

Quintò, si fuerit leprosus, aut peste infectus, vel nimis squallidus, vel rabidus, cum spatulâ, vel virgâ oblongâ sacrum sumat oleum, & eo inungat unum saltem sensum, omnes tamen in forma nominando prout infra fol. 135.

Sextò, non detur sanis, aut violentam mortem, seu ultimum supplicium expectantibus; neq; pueris usum rationis ad peccandum sufficientem non dum habentibus; neque phreneticis, & stolidis, aut amentibus, nisi dum sanâ mente, & integris sensibus essent, illud petierint, vel verissimiliter, aut interpretativè petissent, vel signa contritionis dederint; neq; excommunicatis ab eadem prius non absolutis; neque impœnitentibus, qui in manifesto peccato mortali moriuntur.



ORDO